

靈寶无量度人上經大法卷之五十九 五七

三光煉度品

皇人曰夫超度幽冥如不行南昌之科只用三光符炁受煉亦謂靈寶自然无量度人者也

先對聖焚香三禮啟祝

具法位巨姓某伏聞元始開圖本自然之一炁朱陵度命法總出於三天應物流形隨機變化顯赤書之出世垂玉曆以度人是以靈寶建齋洞玄演教既曲迂於聽馭獲普被於吉祥宜敷德於冥津使均恩於度品謹請太上玄都左宮太陽日君日中皇華洞明洞靈太素真人太光散輝童子太上玄都右宮太陰月君月中皇華石鏡水母流光夫人圓光散輝童子南昌朱官丹英火鈴煉光生方正真九華度品南上開光度生一切真聖伏願混合三光照重陰之有識超煉群品示普度之无方

念日月普明天尊

次執水明燭呪曰

赤爐丹景 圓華九明 太輝啓展 煥耀朱精
五帝肇霞 映洞萬生 豁落上真 玄天條平
運炁煉彩 流蕩五形 煉我神化 六府敷榮
同濟帝君 太一无英 駭乘絳雲 陽火如駢
上奔日中 與帝合靈 壽均天地 二晨相傾

與道合真

次燒符於燭上入水中

念九光煉度天尊

次明燭執水呪曰

黃精啓運 元陰內章 映觀太玄 開洞萬方
散蔚寒飈 七晨懸環 回陰三合 天地吐光
紫耀遊落 浮華九空 圓明賦彩 六炁化道
五帝夫人 攝靈挹風 靈帳鸞羅 佩瑤帶璫
羽裙拂霄 送雲扇東 竊樹敷晨 蓋條秀蓬
雲霧練摩 扶養木王 洞根萬里 蔭霧吾躬
魂和神化 六玄靈克 還元歸嬰 玉映返童
帝君合化 軒景桃康 時乘流鈴 飛雲十龍
上奔月宮 天地无窮

次燒符於燭上入火中以二燭併執之

念火煉丹界天尊

宣大煉消魔呪

三炁藹靈闕 明靈煥玉丹 朱陵有帝真
華雲飛絳輶 統御萬界中 撫運超億千
執策按簡錄 洞章敷神篇 解結散禍根

流金摧凶姦 志能成此道 魔試俱无前
保度冥劫津 冥眇无窮年

次燒符於二燭上入水中次執燭焚

大池捧水灌水池

念法橋大度天尊

如用南昌煉度法就此入科如三光煉度不用次引止現至聖前上香

次宣火府童子煉度儀

我聞寒庭拘閉正思遷拔之玄恩穢悉芥絕
寶賴蕩除之法水故我天尊哀愍大道慈仁
滂灑衆生濟度諸苦啓洞玄之要典垂煉化
之明科伴沐浴於靈津獲超凌於欲界然後
形神俱妙福慶自生汝等魂爽虔精受煉

次誦煉真呪曰

太上高真 九靈之精 使魂飛仙 上登紫庭

沐浴華池 身神澄清 精通太虛 萬悉自生

次誦東井呪曰

天河灌東井 石鏡水母精 圓光拂靈曜
玄暉瑩高明 元始披重夜 天人逐月生
沐浴蘭池上 龍負長庚瓶 金童洒香花

玉女流五星 冠帶濯玉津 煉度五仙形
體香萬神降 乘景登高明

次祝白

靈理等衆一炁混流三光洞朗无幽不燭有
道則符但聞苦海揚波業風扇焰重積无明
之罪寧逢有赫之恩不洗染塵无期超慧今
日吾奉玄元道旨委曲宸恩請正火於三光
度積除於九壘汝等當發大願願除无始以
來貪嗔惡業願發今日以後清淨身心願塵
塵剗剗斷絕七情願世世生生皈依三寶悉
由解脫之道俱入逍遙之鄉我等法衆咸有
是心當與衆魂同誠皈向

次讚道寶

伏以无形无名因象顯發運行日月覆載乾
坤自在无為隨有現相為萬物之真作善人

之寶報版所宗仰專道寶

次讚經寶

伏以玉篇雲篆金簡瓊文八角垂芒大方一
丈三十六部四品五千道接三乘仰尊經寶

次讚師寶

伏以一切顯蒙當從接引十方苦海必假舟
楫願立師寶提携正果敬禮法身仰尊師寶

次三禮讚

今為靈魂等衆皈依三寶伏願應號十方化
身三世諸天梵境福地神仙十極魔王无鞅
聖衆尋聲救苦應感分暉開導迷津同皈正
化復混成之一炁返无始之本真神化无方
互相融攝各圓成於妙智无遮礙之局心日
月光明星暉曜煥悉自神光而化普成品德
之功既開煉度之門當闡通玄之妙汝等靜
念諦受玉章

次誦九章次誦三光煉化玉章寶章

廣生高映 覺元洞虛 應玄九真 化交廣圖
文靈運構 宗範玄都 龜西龍首 風澤通虛
威變總括 威昭自殊 日精克盈 月魄同塗

星精育煉 魂魄常扶 天林耀權 達有通无
魔王監舉 三景无拘

次白云

切以四生迷昧六趣昏蒙煉三炁於三光視
九陽於九道魂魄官闕耳目精神當從此以
更生使神遷而受化

次誦五天生神消魔煉度呪

洞耀育元精 青華開大明 赤明布三炁
玉丹為生神 西靈迴七度 大眇鬱華英
北玄三秀露 太上紫皇真 混化歸冲妙
元皇總中靈 注算食血尸 落死紀生名
五會合一契 中主大魁君 風馭為監舉
齊承青炁騰

又白云

靈魂等衆汝等到壇士農工商姻親朋友若
父若母若叔若伯若兄若弟若姊若妹若夫
若婦若男若女若疎若親若賢若愚列上下
以居方較器能而辨正則分從等級遂至千
差然貴賤窮通蓋一時耳智愚賢否安可長
耶心自相拘精神不泯猶守尊卑之等常懷

飢苦之心先自愚癡不聞正教尚從此訓以
滌爾迷今茲靈寶大齋乃是元尊至化返元
復一守真抱靈宜除有相之觀盡入无迹之
境靜迴達觀斷去凡心湛寂神嬰諦聽秘韻
衆莫監度爲作證明

次誦大梵隱語再祝曰

伏以十類沉魂夙滯幽陰之趣三光正炁合
施煉化之功既遷質於陽晶遠棲神於丹梵
夙生慶幸勿更沉迷一洗鏡塵永獲殊寶伏
願衆真監度列聖垂慈俾善性之堅剛得超
昇於仙界不經魔試徑入天門接引靈妃慈
悲開度察命童子金龍驛傳

祝畢宣左券誦三十二天帝隱語次宣右
券誦魔王三章次宣符受戒

日君真形玉字



書符呪曰

赫赤太霞 暉暉鬱儀 真精陽炁 滌垢華池


太陰真形玉字



書符呪曰

素圓玉光 飛玄結璘 輝潭陰精 育魂瀑形

天罡真形玉字



書符呪曰

罡星正炁 纏筋繞骨 上透泥丸 開陽峭崿

太陽符八字

赫赤太霞陽精度魂

太陰符八字

玉光玄暉真精育魄

天罡符六字

罡星正炁煉魂

右三光玉符乃答怒天帝書於朱陵上宮
瓊臺之上以受煉亡魂

靈寶无量度人上經大法卷之五十九